

Sukarelawan UUM Prihatin Bersihkan Rumah Mangsa Banjir

Unit Komunikasi Korporat

Wed 11/8/2017 8:24 AM

To: UUM - All Staff <uumnet@uum.edu.my>; UUM - All Students <studentnet@uum.edu.my>;



Unit Komunikasi Korporat
CORPORATE COMMUNICATION UNIT
Universiti Utara Malaysia



8 NOVEMBER 2017 / 19 SAFAR 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media

SUKARELAWAN UUM PRIHATIN BERSIHKAN RUMAH MANGSA BANJIR



UUM ONLINE: Pulau Pinang - Seramai 25 sukarelawan UUM telah digerakkan bagi membantu mangsa yang terlibat dalam bencana banjir di sekitar Teluk Bahang mulai semalam.

Sukarelawan terlibat terdiri daripada staf Jabatan Pembangunan dan Penyelenggaraan (JPP), Emergency Response Team (ERT) UUM, Jabatan Pendaftar, Pusat Kesihatan, UUMIT, Jabatan Bendahari, Jabatan Keselamatan dan pnsyarah Pusat Pengajian Pengurusan Teknologi dan Logistik (STML) serta Pusat Pengajian Psikologi Gunaan, Dasar dan Kerja Sosial (SAPSP).

Sukarelawan, Joezainy Ismail dari Jabatan Bendahari berkata, misi bantuan pasca banjir selama tiga hari itu akan membantu mangsa banjir yang terjejas akibat bencana tersebut dengan membersihkan rumah mereka.

Menurutnya, pasukan tersebut digerakkan melalui Jawatankuasa Keselamatan dan Kesihatan Pekerja (OSH) yang diketuai Baharudin Yaacob, Timbalan Pendaftar UUM.

Katanya, semua sukarelawan terlibat telah dibahagikan kepada dua pasukan untuk membantu membersihkan rumah warga emas di Kampung Jalan Baru, Teluk Bahang.

"Misi ini sangat penting untuk memberi sedikit keceriaan selain meringankan bebanan yang ditanggung semua mangsa terlibat.walaupun banjir masih belum pulih sepenuhnya tetapi sukarelawan UUM sudah bersiap sedia menghulurkan bantuan," katanya.

Ujarnya lagi, kedatangan pasukan sukarelawan UUM telah disambut baik ADUN Teluk Bahang, Dato' Shah Headan Ayoob Hussain dan penduduk setempat.

Mereka turut mengucapkan terima kasih kepada Naib Canselor, Prof Dato' Seri Dr Mohamed Mustafa Ishak kerana menggerakkan pasukan sukarelawan UUM untuk membantu semua mangsa banjir terlibat.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.